

# INUIT ATAQATIGIIT INATSISARTUNI



UKA2022/119

11.10.2022

Harald Bianco

**Kalaallit Nunaanni pinerluttulerinermi inatsisip  
allangortinneqarnissaanut inatsimmut missingiutip  
(akuersissuteqaqqaarnissamik tunngavilimmik pinngitsaaliilluni  
atoqatiginninneq pillugu aalajangersagaq) Kalaallit Nunaanni  
Namminersorlutik Oqartussanit akuersissuteqarnissaa pillugu  
Inatsisartut aalajangiiffigisassaattut siunnersuut**

(Aatsitassanut Inatsisillu Atuutsinneqarnerannut Naalakkersuisoq)

Inuit Ataqatigiinniit pingaartitaraarput nunatsinni innuttaasut inatsisitigut naapertuillu-artumik suliamullu sunniuteqarluartumik atugaqartitaanissaat.

Siorna pinngitsaaliilluni atoqatiginninnermi pineqaatissiisarneq qallunaat nunaanni sukatiterneqarpoq, pineqaatissiisarnerup sivitsorneratigut. Tamatuma malitsigisaani maanna nunatsinni aamma taamatut sukatiterinissaq inatsisip allangortinneratigut pisussanngorpoq. Tamannalu Inuit Ataqatigiinniit iluarisimaarparput.

Inatsimmi allannguinermi siunertaavoq pinngitsaaliilluni atoqartarnerup akiorniar-neqarnissaa, immaqalu unnerluussinerit amerlanerulernissaat neriuutaalluni.

# INUIT ATAQATIGIIT INATSISARTUNI



Inatsisittaaq atuutilertussap siunertaraa, atornerlugaasup pinngitsaaliisullu isuman-naatsumik naligiinnerusumillu sullinneqarnermikkut pineqartarnissaat.

Unnerluussinerup kingornagut eqqartuussinermi paasiniagassat; ilaatigut unnerluus-sisup tunngavilersuutai, aammalu pinngitsaaliisup imminut illersorluni nassuiaatai uani inatsisip nassuiaatitaani annertulaarput, illua-tungeriit imminnut illersornissaannut atornerqarsinnaasut. Taamaalilluni illua-tungeriinnut tamanut naapertuunnerusumik suliaq ingerlanneqarsinnaassammat.

“Akuersilluni atoqateqarneq”-mi erseqqissaassuteqarneq ingammik pinngitsaalisamut sakkussaavoq illersuutaasusaaq pingaaruteqaqqissaartoq. Pinngitsaalisaa-summi amer-lasuutigut, immaqa oqaraanni, imminut illersorniarnermi qaqugukkut “Akuersilluni ato-qateqarneq”-tut imaluunniit pinngitsaaliinertut taaneqarsinnaanersoq siunnersuummi erseqqissarneqarmat. Qaqugukkut akuersilluni atoqateqarnertut taaneqarsinnasumik siunnersuummi erseq-qissaassutaasut, januarip aallaqqaataani 2021-mi (1. Januar 2021) qallunaat nunaanni atuutilersinneqarput. Tamatuma kinguneraa pinngitsaalisaa-sup imminut illersortarnera qaffasinnerujussuannngorsimavoq, kiisalu unnerluussinerit qaffangaatsiarsimallutik.

Inuit Ataqatigiinnit annertuumik nuannaarutigaarput maanna nunatsinni pinngitsalisaa-sut pitsaasumik annertunerusumillu illersuutissaqalermata. Nunatsinnimi pinngitsaalii-sarneq ullutsinni qaffasittorujussuummat.

Saqqummiussami oqaatigineqartutuut tamassuma innuttaasunut sukumiisumik paasisit-siniutiginnissaanik Naalakkersuisut siunnerfeqarnerat Inuit Ataqatigiinniit isumaqa-tigaarput pingaartutullu isigalugu, pineqartut kiisalu nunatsinni

# INUIT ATAQATIGIIT INATSIARTUNI



innuttaasut annertu-nerusumik tamakkunatigut paasisaqarnerulernissaat  
eqqarsaatigalugu.

Taamatut Inuit Ataqatigiit tunngavilersuuteqarluta inatsimmi allannguinnissamik  
siunnersuut tamakkiisumik taperserparput.